

吳興金石記

吳興金石記卷十一

歸安陸心源伯剛甫纂

宋

報國寺碑 石缺據舊拓本載文

安吉州烏程縣南林報國寺記

安吉州烏程縣南林報國寺記

奉議郎口書省著作佐郎兼四川置制副使司參議

官李心傳撰

朝散大夫起居郎兼侍講李性傳書

朝奉郎試中書舍人兼權吏部侍郎兼同修國史實

錄院同修撰洪咨夔題蓋

自佛法入中國而海內山水名勝率爲浮屠氏有之
逮隋唐而尤盛今六百季矣潮俗好佛故阿蘭若之
在浙者滋益多余爲史官時有介僧宗偉來見者曰
吾永嘉人開禧間尋師學道至湖烏程之南林夔其
風土結少菴屋焉昔未祝髮也南林一聚落耳而耕
桑之富甲於浙右土潤而物豐民信而俗阜行商坐
賈之所萃而官未嘗譏征焉此宜爲帝釋梵王之宮
而未多有也吾嘗血指書報身佛所說經一七卷口
業絕誦鄉人胥信乃相與築祈年之地今敷文閣學

士眉山楊公時領祠部益捐金錢以爲吾助由是佛法僧之所寓經鐘財之所舍與其他所召爲叢林之制者次第而舉又度吾之徒積十有六人俾傳香火之奉顧獨未有以名之也迺請於禮部得報國舊額而扁焉因求余文以措諸壁而余爲儒者也自計不當放浮屠氏之言久未之許已而余鹵歸得請治艦於湖偉求不已余盭其書而歎曰國家立郡縣之學以明人倫此儒者所當務也而庠序之設返弗若僧廬之盛何哉爲浮屠氏者心志專勤願力堅固故以誅茅刈卉衣荷食檜之餘而金碧翬飛土木勝麗戚

於年歲之頃通鄰大邑或以百數而未已也若郡縣之學一耳而爲政者往往昧爲弃物曾不嘗省惟園亭館宇之爲尙甚弗獲已始捐其豪末以爲支傾補壞之計其弗若一也浮屠氏之徒其用財也一髮不欺以爲欺則有報也故人亦信之而予之也易甚或空囊鉢之儲而無所靳今之教者莫大於天子之學矣而養弟子之貲或乃移之以供校官之雜費至於郡縣之間則周親故貲游謁入私用者無不有矣其弗若二也曇瞿之術非可用以理天下國家者也然其徒之教人乃顛以識心見性爲事而學校之所謂

課試者特不過爲聲病剽竊之文以償利祿溫飽之願而已蓋皆浮屠氏之唾棄而不顧者故曰爲士者亦恥居之其弗若三也今偉之營是刹也一錢之施弗敢私有銖積寸累汔於成就世俗之士常知所愧而又奚議哉昔囷口師爲崔趙公言出家是大丈夫事非將相之所能爲李文公問藥山戒定慧之說藥山云欲保任此事須高高山頂立深深海底行閨閣中物捨不得便爲滲漏今之士大夫考其所爲滲漏多矣故名雖將相而寔不能爲大丈夫此浮屠氏所以下視而高勝之也余歸伏田里方將營葺鄉校與

門人朋友講習其間以淑一鄉之士蓋嘗感於欽儼
之言而猶思其弗逮也故因偉之請悉書余所感者
遺之俾歸刻之傳示四方庶有倣也端平元年秋八
月吉日記

○宋嘉禧元年歲次丁酉三月清明日開山住持僧
宗偉立石

勤舊德政 德暉 守中 頭首 廣宣 廣開

知事 淨明 淨月 浮玉王震摹刻

南潯鎮志按碑題三月清明日考是時用鮑澣之
開禱術附楊忠輔統天術以行今以一術推是年

三月並壬子朔三日甲寅清明

兩浙金石志南潯古名南林惟見此碑舊志云端
平中學士陳益建此云眉山楊公捐金錢以爲助
當從碑爲正李心傳字微之號秀巖井研人弟道
傳號東窗性傳號鳳山洪咨夔字舜俞於潛人嘉
泰進士知龍州除祕書郎遷金部紹定六年爲禮
部郎官除監察御史進吏部侍郎同修國史又兼
給事中陞侍讀以病旬闕拜端明殿學士領內祠
宰諡忠文

孫履元跋碑已中斷董若雨先生報國寺秋霽詩

云孤村危閣立漏日斷碑明則碑在當時已斷矣
阮文達公撫吾浙時撰兩浙金石志時范白舫先
生適拓碑報國寺而錢竹汀少詹舟過南潯因以
拓本付竹汀竹汀攜寄文達於是報國寺記華七
府幹布施記接待懺院公據及長生講院碑四種
遂著於錄然仍有譌闕碑陰亦失載卽此碑二十
三行阮以爲二十二行蓋末行失拓也碑記宗偉
於開禧間至南林愛其風土始結草庵居之又云
眉山楊公益捐金錢以爲吾助所以爲叢林之制
者次第而舉迺請於禮部得報國舊額而扁焉按

嘉定十一年接待懺院公據已稱創立屋宇數十
口建置佛像是嘉定創院之時端藉楊公文助惜
其人無考接待院之改爲報國寺始見於紹定六
年禮部告示碑其得報國寺額當在嘉定十一年
以後舊志旣誤楊公爲陳益又以寺爲端平中建
蓋未嘗細讀碑文也

右碑連額高四尺一寸廣二尺一寸文二十三行
端平元年撰記嘉熙元年立石正書字逕六分額
十二字六行行二字字逕三寸奇在烏程縣南潯
鎮報國寺山門東側山水名勝之名兩浙金石志

誤之時有介僧之介誤入而未多有也之未誤木
口不絕誦之絕誤訖時領祠部缺領字而扁焉缺
扁字而爲政者之政誤牧莫大于天之天誤夫國
家者也句缺家字也字須高高山缺須字講習其
間之間誤理第二十三行勤舊以下金石志全脫
今審正李心傳號巽巖道傳字貫之皆見宋史儒
林傳性傳字成之見宋史四百十九心傳弟兄寓
居湖州見癸辛雜識宋史以爲湖州者湖湖二字
形近之僞心傳無後以道傳子獻可爲後亦見宋

史

報國寺碑陰

檀越施田地名銜

額平列七字字
徑一寸六七分

南林報國寺

山門伏承

檀越張宅東位太安人吳氏生前置壹拾畝入常住
收租供眾立位牌入祠堂供養往生

佛界者

檀越清河三四運屬生前捨地壹伯肆拾步圍就三
門基址立位牌入祠堂永遠供養

運屬張公 孺人卜氏僧行朝夕熏修追悼二位神

儀往生淨土者

檀越 作院昨用錢置到陸大名忠翼惶字叁圍產
地壹伯步捨入本寺圓就

千佛寶閣基地所集功德追崇

亡者生天保佑見存獲福切慮捨地之後知事更易
不常

官員入寺修崇之時間有無知行僕以捨無息爲辭
公然滅裂有失追嚴之禮今又承添施淨財官會貳
伯貫文入本寺長生庫營運依寺門躰例貳分五厘
抽息歲計息錢陸拾貫文其息錢作伍次關歸常住

貼助修建功德貴得絲遠不致誤事

今立定規式劃一事例如后

一七月二十四日 先考輅院張公愍忌常住齋僧

一堂僧眾諷誦佛說阿彌陀經各一卷呪食一中

一三月初六日 先妣孺人盛氏遠忌之辰常住齋

僧一堂僧眾諷誦佛說阿彌陀經各一卷呪食一中

一七月十八日 繼妣恭人耶律氏遠忌之辰常住

齋僧一堂僧口口誦阿彌陀經各一卷呪食一中

一三月二十二日 亡生母太君周氏遠忌常住齋

僧一堂僧眾口口佛說阿彌陀經各一卷呪食一中

言十一
七
一 二月初七日 婆婆周氏慶生之辰常住齋僧一
堂僧眾持誦□□□吉祥陀羅尼神呪經各一卷壽
香壽燭回獻本命星君百年報滿之後改日崇修
一 每遇忌辰就法堂設位供養果實飲饌香燭紙馬
務要如儀

一 每遇忌辰先期一日關報請 官員入寺拈香證
明

右立合同文字二本內一本納本宅照應內一本付
寺內交割仍刻石存照煩當代主首知事主盟毋致
更易者

嘉熙元年七月

初七

此二字上鈐
維國寺記印

日合同存照

勤舊

守中

押有

廣聞

押有

頭首

德暉

押有

廣宣

押有

知事

淨月

押有

淨明

押有

住持

宗偉

押有

立石

捨地檀越承忠郎新監鎮江府都作院張

下有
兩押

王

震刊

以上上層三十一行

於塔檀越蔣十四將仕名思聰同妻顧氏一娘備錢
置田壹拾畝入常住遞年收租修設供佛齋僧功德
保扶各人身宮康泰福壽增崇凡在時中吉祥如意

者

張十六公名尋捨田叁畝收租并新會貳拾阡入庫
出息遇七月十九日生辰齋僧保安平善者

潯溪張乙郎名世富捨田叁畝收租置油供養大佛
殿三寶聖賢祈求平安者

當鎮檀越華百乙太君名沈氏一娘捨到坵墟村祀
字一圍田柒畝叁角并嗣字三圍田三畝壹角共壹
拾壹畝本寺收租供眾每遇十一月初五日生辰看
經填僧上壽所冀見生福壽康甯他報二嚴尅備

以上下層七行

孫履元跋右碑陰所稱長生庫本始於寺院司其事者謂之庫子亦曰主庫逐年轉利以供所需故有庫子逐月將簿書詣方丈知事簽押者見於臨海縣寶藏巖長明燈碑蓋長生庫盛行於斯時也陸游老學庵筆記云今僧寺輒作庫質錢取利謂之長生庫至爲鄙惡予按梁甄彬嘗以束苧就長沙寺庫質錢後復贖苧還於苧中得金五兩送還之則此事亦已久矣庸僧所爲古今一揆可設法嚴絕之也

右正書分二層上層三十一行下層七行字遲五

分額題檀越施田地銜名七字字選一寸六分

報國寺布施記碑

石存

檀越華七府幹布施之記

南林報國寺

本寺伏承 大檀越華李七府幹名文勝自勸業以
來凡遇山門大小緣事無不施財發揚成就今劃一
開具事日子后

一施財貳佰貫文置造大錫花瓶并架子一對雕裝
蓮花二瓶充大佛殿供養

一施財貳佰貫文鑄造大鐵香爐貳座充大佛殿觀

音殿供養

一施財伍伯貫文一力整砌法堂三門兩廡地面

一施財叁伯貫文印置大般若經六百卷入寶藏

一施財叁伯貫文布漆銀珠大佛殿桐身柱肆口

一施財捌拾貫文置普賢黑光厨一口 一施財壹

伯貫文鞞造大法鼓一面

一施財壹伯貫文建造鐘樓及普賢殿 一施財壹

伯貫文建造三門

一施財叁伯貫文建造釋迦寶殿 一施財壹伯伍

拾貫文發砌大佛殿地面

一施財壹伯貫文建造庫堂 一施財壹伯柒拾貫文鑄造大鑊一口

一施財壹阡貫文建造千佛寶閣大柱擱口 一施財壹伯貫文裝塑佛殿涌壁羅漢一龕

一施財捌伯伍拾貫文置到吳江縣界田貳拾畝遞年收租十月十七日伏值 先妻太君潘氏一娘子愍忌之辰啟建 西資蓮社念佛勝會一永日設位 供養資悼尊魂往生 淨土者 一施財壹伯貫文鑄造寶藏內壽山福海

右具如前謹刻堅珉請輪年知事僧循守成規嚴與

修崇毋致更易庶幾圓滿願心因果不昧所求現生之內福業百年他報之中二嚴克備者

嘉熙元年二月 日監寺僧 淨月 立石

勲舊 德政 守中 德暉 頭首 廣聞 廣宣

知事 淨明

開山住持 宗偉

雲川王震刊五字在邊關外

報國寺布施記碑陰

檀越施財置田名銜

南林報國寺

本寺伏承當邑□ 檀越蔣八宣義生前置田壹拾
畝貳角入常住遞年收租七月二十日值 先考八
承事諱辰齋僧二堂附薦 先妣太君沈氏六娘子
雙魂往生 淨土

潯溪檀越朱三五承事生前置田壹拾肆畝入常住
遞年收租三月十八日值承事諱辰啟建西資念佛
勝會一永日又於九月十二日值 朱二承事諱辰
齋僧一堂設位供養追悼 神儀往生淨土

後盧檀越施王承事生前置田壹拾貳畝入常住每
歲收租三月二十五日值 承事諱辰設齋僧一

堂晨粥一堂沐浴一堂設位供養上薦神儀往生

淨土

堀墟檀越許廿三迪功生前置田伍畝入常住每歲收租七月十五日值先妻孺人徐氏二十娘子忌辰於孟蘭盆會修設六道斛食壹器燃燈壹座仍供養致政迪功二位 神儀同生淨土

潯溪檀越陳三五太君沈氏八娘子生前置平江府常熟縣界田柒畝貳拾貳步入常住遞年收租五月二十二日值 太君忌辰齋僧一堂資悼 懿魂往生淨土

當邑檀越陳十七太君閔氏六娘置田叁畝叁角壹
拾伍步入常住遞年收租九月九日遇 太君生日
齊僧一堂祝扶壽算延長

船居檀越賀四五承事生前置平江府吳江縣界田
柒畝貳角人常住遞年收租供眾仍立祖先位牌入
祠堂供養用悼往生者

當寺華沈三四道公施已財置田壹拾畝叁角令壹
拾叁步入常住收租每歲三月初五日遇 華道公
生辰齋僧一堂百年報終之後移作忌日修崇植福
無盡

船居檀越徐四將仕名可用置田伍畝入常住遞年
收租六月二十三日值先考三九承事忌辰齋僧
一堂所集功德上薦神儀往生淨土者

於塔檀越蔣十四將仕名文慨置田伍畝入常住收
租每年十一月初一日遇妻吳氏十娘生辰就月會
誦蓮經保扶各人身位安康吉祥如意

右具如前謹刊堅珉請輪年知事僧叅照

檀越生日忌辰嚴與修崇毋致更易庶幾圓滿願心
因果不昧者

嘉熙元年二月 日監寺僧 淨月 立石

勤舊 守中 德暉 頭首 廣聞 廣宣 德宣

德政

知事 淨明

開山住持 宗偉

以上上層三十二行

檀越施財修崇名銜

南林報國寺

山門伏承平江府吳江縣倚投 檀越沈十五承事

諱琇生前捨官會伍伯貫文入本寺長生庫營運證

例二分育息每歲六月十四日值 承事諱辰仰庫

司就長生庫關給息錢壹伯貳拾貫文官會修設

天地冥陽水陸一會用資冥福追悼 神儀往生淨

土

船居檀越東陽二十承事沈公生前捨錢壹伯貫文

官會入常住每年十二月初七日後 承事愍忌請

僧道共貳拾員看誦 妙法蓮華經一會又承 太

君李氏三娘子生前捨錢壹伯肆拾貫文官會入常

住每年三月初四日後 太君愍忌之辰齋僧一堂

設位供養上薦二位尊魂同生 佛界

當邑檀越張四太君曹氏三九娘捨錢壹伯貫文

官會入常住每年五月初十日伏值 亡公張四六
承專諱辰啟建西資念佛勝會一永日附薦 亡婆
太君朱氏十七娘子 亡夫張四十將仕超昇者
船居檀越徐三九太君張氏六娘捨錢壹伯肆拾貫
文官會入本寺長生庫營運證例貳分育息每年二
月十一日遇 太君生辰仰庫司就長生庫關給息
錢叁拾叁貫陸伯文官會請僧道貳拾員看誦 妙
法蓮華經一會百年報滿之後移作口辰修崇功德
利益無窮者

當邑檀越張三乙將仕名顯祖捨錢壹伯貫文官會

入本寺長生庫營迺證例貳分育息每歲正月十日
日值 先考三承事諱辰仰庫司就長生庫關給息
錢叁拾陸貫文官會啟建西資蓮社念佛勝會一永
日所鳩功德追薦 尊魂往生淨土者

右謹具如前請遞年知事僧嚴與修崇口無更易預
請

檀越拈香證明庶幾因果綿綿無窮之利已鐫諸石
不朽者

嘉熙元年二月 日監寺僧 淨月 立石

勤舊 守中 德暉 頭首 廣聞 廣宣

知事 淨明

開山住持宗偉

茗溪王震刊

五字在邊關外

以上下層二十八行

孫履元跋右碑文二十二行兩浙金石志以爲十

九行蓋後三行失拓也所載文亦有譌闕錯亂處

華氏傳芳錄文勝字彬野以人才舉爲江州參軍

以疾致仕華氏在當時爲南林望族今華家橋

本名

通利橋亦文勝創建

華家衙卽其居宅報國寺創始於嘉定

中僧宗偉得眉山楊公之助而大佛殿遂得落成

其鐘樓佛閣及諸佛殿則皆彬野續建今數其施財至四千餘貫之多可謂大有功於茲寺者矣舊舊頭首諸名目始見鄞縣宋嘉定戊寅資福寺銅鐘銘此碑耆舊作勲舊按徽宗政和三年六月御筆天下道士不得稱宮主觀主並改作知宮觀事女冠准此僧尼不得稱寺主院主庵主供養主之類並改院主作管幹院事副作同供養主作知事庵主作住持餘皆依此改定則所謂勲舊頭首者疑卽他碑所稱主殿主藏主庫之類亦必因政和禁令始別創此名目也

右碑高連額三尺七寸五分廣二尺三分分兩層
上層二十二行字逕七八分下層無字額題檀越
華七府幹布施之記五行行二字字逕二寸左右
在報國寺山門西側兩浙金石志誤以第十行爲
第十二行第十一行爲第十行第十二行爲第十
一行第十九行脫淨月二字第二十行脫勤舊德
政守中德暉廣聞廣宣十二字第二十一行第二
十二行全脫又以李爲姓皆誤也

陰分兩層上層三十二行下層二十八行字逕七
八分上層額題檀越施財置田名銜八字平列字

逕一寸三四分下層額題檀越施財修崇名銜八字平列字逕一寸七八分楊汝明字叔禹四川青邳人紹熙四年進士爲成都府觀察推官吳曦叛汝明不受逆僞之招及曦平宣諭使吳玠以聞遂召汝明入補官見萬姓統譜嘉定三年除校書郎四年爲祕書郎五年爲著作佐郎六年爲著作郎八年爲軍器少監十三年爲起居舍人三月兼國史院檢討官八月權禮部侍郎十四年爲眞十五年兼工部尙書兼同修國史見中興館閣錄嘉興本覺寺東坡昭文長老詩刻後有楊汝明跋爲寺

僧本覺而作其好與僧徒往還可知本覺跋稱得之宗簿楊公時在慶元二年以跋中西歸語推之或以宗正寺簿除成都府觀察推官時也宗正寺簿從八品節度推官正字皆從八品出爲推官入爲正字品皆相當也至居澗作三過堂記乃稱禮部尙書楊公時在嘉定十七年則在吳曦平後累官至禮部尙書矣嘉定十七年下距端平十一年其時或以敷文閣學士出守他郡或以敷文閣學士致仕皆未可知特無明證耳施財建寺之爲汝明可無疑也

永靈廟加封顯佑通應侯勅牒碑

石存

勅封顯佑通應惠利侯告

勅安吉州新市鎮永靈廟顯佑通應侯朕採慶賞之
權以爵有功其於神猶人也爾以晉永和之大將迨
周廣順以啟封垂庇一方血食自古旱乾有禱響答
如磨比歲以來靈異尤著蝗孽隨風而入水寇巢托
夢以指迷旣功狀之上聞豈寵章之可緩侯封增二
席侈神休加惠我民俾世世享可特封顯佑通應惠
利侯奉

勅如右

尚書吏部之印

牒到奉行

端平三年

尙書吏部之印

十二月八日

告顯佑通應惠利侯奉

勅如右符到奉行

右丞相肅國公行簡 右丞相與之

未上

參知政

事性之 簽書樞密院事兼權參知政事鳴復 兼

給事中彥誠 兼直舍人院仁佳

十二月二十六日午時都事郭受

戶部郎兼左司趙以夫付吏部

右丞相肅國公行簡

右丞相與之

未上

參知政

事性之 簽書樞密院事兼權參知政事鳴復 權

吏部尙書 權員外郎洪 主管院槐 主事徐元

鱗 令史高之才 書令史周謙

端平三年十二

尙書吏部之印

月二十六日下

兩浙金石志右碑四列勅文三列皆行書勅尾後
銜名正書十三行下列又刻勅文及年月四行中
有銜名三行在德清縣新市鎮文云永和大將廣
順啟封皆本舊說也又云蝗孽隨風而入水寇巢
托夢以指迷絕似乾道元年孚惠廟碑記神陸載
蟲蠹菱蓮禱於神一夜風雨掃盡有賊盜舟殺人
禱於神刻期而獲二事是知里民附和半屬隨聲

而南渡偏安首先循俗也

右碑連額高五尺廣二尺七寸凡四列第一第二列勅文七行行九字行書字徑一寸第三列勅文及年月署銜年月一行字徑八九分印方二寸署銜十三行正書字徑四分第四列勅尾及署銜年月勅尾三行字徑一寸四分署銜三行正書字徑四分年月一行字徑一寸額五行行二字篆書字徑三寸五分

永靈廟協惠夫人加封昭慶勅牒碑

石存

勅安吉州新市鎮永靈廟顯佑通應侯妻協惠夫人

朝廷爵賞有功之臣則必及其內助人神一也永靈
侯廟食千古坐鎮一方比以使者上其功狀朕心數
歎旣衍侯封淑配之號豈容弗稱姑次一等加之二
字其祇震渥永佑陰功可特封協惠昭慶夫人奉

勅如右牒到奉行

端平三年十二月八日

告協惠昭慶夫人奉

勅如右符到奉行

右丞相肅園公行簡

右丞相與之

未上

參知政

事性之

簽書樞密院事兼權參知政事鳴復 兼

給事中彥懃 兼直舍人院仁佳

十二月二十六日午時都事郭受

戶部郎中兼左司趙以夫付吏部

左丞相肅國公行簡 右丞相與之

未上

參知政

事性之 簽書樞密院事兼權參知政事鳴復 權

吏部尚書□□ 權吏部侍郎□□ 權員外郎洪

主管院程 主事徐元鑾 令史高之才 書令

吏后蒙

端平三年十二月二十六日下

寶祐二年歲次甲寅四月望日朝散郎新通判溫州

軍州兼管內勸農營田事賜緋魚袋李膺立石

德清孫毛□刊

右碑四列勅文三列皆行書勅尾後銜名正書十四行下列又刻勅文及年月行書四行中有銜名正書五行末有立石年月并刻字人二行正書此與加封顯佑通應惠利侯勅牒同年月兩浙金石志未收行簡者喬行簡也與之者崔與之也性之者鄭性之也鳴復者李鳴復也宋史皆有傳宋史理宗紀端平二年七月丁卯以鄭性之參知政事李鳴復簽書樞密院事兼參知政事十一月丙寅

以喬行簡爲特進左丞相肅國公九月乙亥以崔
與之爲右丞相兼樞密使二月左曹郎官趙以夫
上備邊十策皆與碑合彥誠者趙彥誠也字元道
居越之餘姚開禧元年進士端平二年祕書監權
兵部侍郎見中興館閣續錄宋史崔與之傳端平
初召爲吏部尙書數以御筆起之皆力辭繼而授
端明殿學士提舉嵩山崇福宮亦辭廣東先鋒軍
亂與之家居肩輿登城叛兵俯伏聽命授廣東經
畧安撫使聞命亟拜卽家治事帝于是注想彌切
拜參知政事拜右丞相皆力辭乃訪以政事之孰

當罷行人材之孰當用舍與之力疾奏帝嘉歎趣
召益力控辭至十有三疏嘉熙三年乃得致仕是
與之始終未到右丞相之任故云未上也以夫字
用甫號厯齋郎國公德鈞八世孫居福建之長樂
以父彥括蔭爲紹興諸暨尉嘉定十年進士厯官
太府少卿左司郎中右文殿修撰刑部侍郎禮吏
二部尙書寶祐四年進光祿大夫資政殿學士致
仕著有易通等書見劉後村大全集趙公墓碑

烏青鎮酒正題名記

未見文獻湖州府志

烏青鎮志明正德三年慈雲寺築牆掘出酒務題

名碑刻

賢尹張公生祠記

石佚文見湖州府志

〔長興顧志〕嘉熙戊戌二月望日周子巖撰在長興黃龍洞程公許等題名

雲臺散吏眉山程公許自武林

過吳興訪郡太守東平劉長翁

命其子儒珍偕館客南鄭蘇垓

漢嘉趙庭眉山王櫛載酒拉浚

儀趙鑑夫從碧瀾堂放船登弁

山頂觀太湖謁祥應宮窺金井

年嘉熙己

亥□□□□

□□□□□

右拓本高五寸廣一尺可辨者五行行四五字不
等正書今在府署與林虞題名同刻一石愚案此
嘉熙三年知湖州謝奕修題名也壬午爲嘉定十
五年己亥爲嘉熙三年攷湖州知府題名謝采伯
朝請大夫嘉定十五年八月到任九月准省劄監
六部門謝奕修朝奉大夫嘉熙三年七月到任四
年正月與祠皆見郡志嘉熙三年上距嘉定壬午

御得十八年與石刻合雖後半全泐刻石人名無存以在任年月證之其爲奕修題名無疑也采伯字元若台州臨海人宋理宗謝太后之叔宰相深甫之子嘉泰二年進士寶祐中知嚴州有惠政累官節度使著有密齋筆記見嘉定赤城志密齋筆記王宗旦序嚴州續志奕修爲采伯之子嘉熙乙亥冬迎侍吳興郡治見續筆記奕修仕履不甚表著淳祐十一年以朝議大夫直華文閣提舉浙西常平十月到任十一月丁憂見會稽續志陳思書小史咸淳丁卯奕修序自題年七十四則其人宋

季尚存序中有每一到都訂證名帖飽窺異書語
周密雲烟過眼錄載其字曰起翁所居室曰養浩
齋所藏詩書三十五卷皆賈師憲舊物亦宋元之
際一收藏家也

射村長壽橋柱題字

石存

時嘉祐六年歲次丙午九月望日重建 都勸口朝
奉大夫賜紫金魚袋吳□ 助緣進士吳□

案拓本高二尺五寸五分凡兩石

鹿苑寺詩刻

石佚

〔吳興志〕隆興中侍郎葛立方宗丞沈詢進士吳椿

有詩並記刻石

德勝橋題字 石存

皇宋歲次丁未淳祐七年孟夏吉日重新修創幹成
道民魯王□勸緣李三少保府都□張勸緣榮文恭
王府監舍郎□

在武康縣上柏谷橋東俗呼回龍橋案淳祐七年
宋理宗七年也其曰重新修創則不自理宗時始
矣李三少保者疑李全全曾官檢校少保榮文恭
王理宗父太祖十世孫希璠也追封榮王謚文恭
見宋史理宗紀榮王監舍者王府屬官也

劉朔齋白雀山題字

滌鉢巖 朔齋翁

右摩崖高九寸廣二尺正書三字平列字徑五寸
款字徑寸朔齋翁卽劉長卿見前

男
樹藩校字

吳興金石記卷十二

歸安陸心源伯剛甫纂

宋

仁濟廟加封敕牒碑 石存

封號公據

行在尙書禮部

據奉議郎知安吉州安吉縣主管勸農公事弓手寨
兵軍正張自明狀申照行本縣 敕賜仁濟廟乃唐
衛國公李靖香火武德中討平輔公祿邑人德之相
與立祠于縣西之玉磬山今六百餘載蒙本朝節次

加封以至王爵凡遇祈禱雨暘隨卽感應本縣寄居
士民列狀陳乞王爵與妻及男加封爵號已曾保明
中州乞備申轉運使臺得蒙申奏

朝廷准省部行下奉常擬封各神誥命蒙 朝廷降
下本縣赴本廟收執了當所有本廟公據未蒙省部
頒下今錄白李王與妻及男誥詞在前欲乞省部照
敕命指揮給 公據庶幾仰副 國家崇重祀典
之意俯慰邑人報答神休之誠申部伏乞指揮施行
奉 台判呈本部尋根檢到清祐四年五月九日
敕中書門下省尙書省送到禮部狀准

御封付下兩浙路轉運司獄奏近據安吉州申備據
安吉縣申據寄居士民等狀稱伏見本縣仁濟廟敕
封輔世靈祐忠烈廣惠王實唐李衛公靖之祠按古
碑王以唐初討叛丹陽而本縣隸丹陽南境禽輔公
祐亂弭暴除民德而祠之今餘六百年崇寧三年賜
廟額曰仁濟更政和隆興或士馬奔躍狂寇駭卻或
白氣充庭陰兵顯助暴賊夜竄中更金虜越軼萬騎
羅拜廟貌巋然獨存加之水旱應禱邑人屢聞于
朝封忠智景武公繼封忠烈王又加輔世慶元六年
以禱雨降格加輔世靈佑忠烈王暨嘉定之元江浙

旱蝗旁郡縣尤甚邑人有禱雨獨時若蝗去弗害二
年疫癘民走廟懇禱病者絕少洪水漲溢賴王之靈
獨不爲患歲亦告稔民復以聞加封輔世靈佑忠烈
廣惠王妻封協惠夫人王三子長封紹烈侯次紹威
侯季紹休侯今年旱虐爲厲自三月至五月不雨種
不入土本縣萬山一水枯涸特甚

聖上側身既至徧敕州縣禱雨靈祠邑宰宋通直偕
僚佐祇命請廟貌舍縣治以殫懇祈維王之靈深極
昭異方詣廟時赫日正中人皆噓汗煩喘王車將駕
日光掩靄陰雲穿漏浮湧颼風往少若物後先雨陣

霏霏隨車而至老稚懽呼及王像奉安縣治大雨竟
夜翼日霽足似霽而陰越二日雨沛如注溥溢四境
派流支港靡不奔浪波及鄰縣頃刻之間不雨而得
水咸卽田功無不駭敬神異蓋安吉山盤地仰稍乾
則亢澗稍浸則漂沒王所以旣雨隨霽逮下流水泄
始復雨之者恐川墮或以暴民也妙於庇民如此士
民莫不以手加額咸謂

聖天子德通于天神靈受職執事者將命敬恭有此
異應田里熙熙非特有秋已口亦免異日流離蕩析
之苦百里御戴無以仰報神休伏觀建炎涓熙已降

指揮如有靈異台該進封緣王已封八字自崇甯
賜額封至今爵本路州縣究實非一官頌臺詳奏加
封非一議王之靈跡焯焯在民非一事而今者祈雨
感應尤神且速欲乞次弟保奏於輔世靈佑忠烈廣
惠王八字內將輔世廣惠字改錫隆稱夫人三子加
昇封號仍乞證廣惠廟例封王祖父及兄端弟永康
公客師王子婦及王孫令問彥芳等以寵靈跡以慰
民望使王之靈愈久愈新與 國家休命相爲無窮
民亦荷無窮之至謹錄白廟額及前後封誥見在乞
施行本州所據陳乞保明詣實申乞施行本司檢准

慶元令諸道釋神祠祈禱靈應

謂功跡顯著惠利宜及人載於祀典者

加官爵封號廟額者州具事狀保明申轉運司本司
委鄰州官躬親詢究到委別州不干礙官覆實詎具
事實保奏本司牒嘉興府差委從事郎嘉興府崇德
縣主簿周孺文前往安吉州安吉縣詢究到仁濟廟
神前項靈跡因依委的顯著乞備申本州保明詣實
申本司乞施行本司再牒委常州差委儒林郎常州
司戶叅軍李煥前去覆實委有上件靈跡保明是實
申本司乞施行本司所據嘉興府委從事郎本府崇
德縣主簿周孺文詢究及常州委儒林郎本州司戶

恭軍李煥覆實到上項靈跡本司保明詣實謹錄奏
聞伏候

敕旨本部尋連送太常寺勘當具詣實保明文狀申
部去後據太常寺申檢准建炎三年正月六日已降
指揮節文神祠遇有靈應卽先賜額次封侯次封
公次封王每加二字至八字口婦人之神初封夫人
二字至八字止淳熙十四年六月十九日已降 指
揮節文今後神祠祈禱應驗令諸路轉運司依條保
奏取 旨加封今准省部連送准 御封降 兩口
西路轉運司保口口安吉州安吉縣仁濟廟神加封

本寺照得今來本路運司已依條差官詢究覆實了
當應得加封條法今欲勘當乞從建炎三年正月六
日并淳熙十四年六月十九日已降 指揮各合擬
封下項一安吉州仁濟廟輔世靈佑忠烈廣惠王已
封八字口當口以再行加封今於八字內改擬美號
二字今欲擬輔世靈佑忠烈威顯王一安吉州仁濟
廟輔世靈佑忠烈廣惠王妻協惠夫人合增加二字
作四字夫人今欲擬協惠助順夫人一安吉州仁濟
廟輔世靈佑忠烈廣惠王長子紹烈侯合增加二字
作四字侯今欲擬紹烈廣靈侯一安吉州仁濟廟輔

世靈佑忠烈廣惠王次子紹威侯合增加二字作四字侯今欲擬紹威昭貺侯一安吉州仁濟廟輔世靈佑忠烈廣惠王季子紹休侯合增加二字作四字侯今欲擬紹休襲福侯已上並合命詞給誥伏乞省部備申 朝廷取 旨加封施行申部本部所據太常寺申到事理備錄在前上件所乞加封事理伏乞朝廷指揮施行伏候指揮五月六日奉

聖旨依本部除已具申 朝廷命詞給誥外尋呈奉

判照已降

指揮給須至指揮

以上分二十五行八十三字

右出給公據付安吉州安吉縣仁濟廟仰收執遵從

武藝凡校罪以上并解本縣縣置尉一員掌閱習
弓手蓋尉與寨官皆聽州縣節制故曰弓兵寨主
軍正也

李衛公像碑 石存

右衛國景武李公像得之 皇朝秘閣本刻石安吉
仁濟廟以永其傳 淳祐丁未孟秋郭南方應唐題

雲川王泳摹刊

右碑高三尺七寸廣二尺一寸在李王山本廟上
層摹李公像下層文八行行六字額題唐李衛公
四字篆書此與仁濟廟加封敕牒碑同時刻石敕

牒碑立石姓氏亦有方應唐名

慈感教院舍利寶塔

石存

上缺

傳天台宗教比邱

覺澄

所得十方□□□□□

渡西岸建造青石舍利寶塔二所奉供十方三世諸佛菩薩聖賢功德祝延

皇帝萬歲重臣千秋風祥雨順 國泰民安灾障不生常修白業次冀 諸天八部正直聰明晝夜守護毋令侵毀更願諸天含嗜欲之心地獄離煎熬之苦往來觀瞻稽首合爪盡悟法華三昧速證阿惟越致虛空有盡此塔常存情與無情全躋淨域

清禘九年正月吉日慈感教院住持傳天台宗教比
正覺澄誌願

丁大卿宅制幹安人郭氏

德珪

隨喜贊成

外護檀越承議郎前知安吉州新除司農寺丞徐夢
衍勸緣

外護大檀越中奉大夫直寶章閣提舉隆興府玉龍
萬壽宮程公許勸□

外護大檀越中奉大夫寶章閣待制提舉□興府玉
隆萬壽宮 下缺

右舍利塔二座拓本高二尺五寸廣一尺四寸十

二行文七行行廿一字年月及銜名五行行字不
等正書在潮音橋西岸時橋尚未建故名潮音渡
元唐子華詩所謂送客潮音渡是也一塔四面兩
面佛像一面書阿彌陁佛大字一面小字十三行
行二十一字後列勸緣知州徐夢衍及程公許等
銜名案徐夢衍于淳祐七年以奉議郎到任八月
轉承議郎十二月除司農寺丞見郡守題名碑刻
于九年正月時已交替州事尙未到司農丞任故
曰前知日新除也程公許蜀人嘗住西門龍溪有
罷官來就湖州住爲愛雙流貫一城之句餘見黃

龍洞題名 又一塔兩面佛像兩面皆大字書大方廣佛華嚴經又阿彌陀佛字無經文

回仙觀記

石佚文載湖州府志

東林山志 溥祐九年歲在己酉十月望日中大夫寶章閣待制提舉隆興府玉隆萬壽宮眉山縣開國子食邑五百戶賜紫金魚袋程公許記朝請郎主管建康府崇禧觀楊棟書資政殿學士通議大夫提舉臨安府洞霄宮仁壽郡開國公食邑二千一百戶實封四百戶李性傳篆蓋虛靜大師前隆興府玉隆萬壽宮住持知宮事兼西山管內道正

充開山住持觀事賜紫金魚袋楊承元立石

敕賜協順廣靈陸侯廟記

明正德重刻本存

奉直大夫權禮部尚書兼直學士院兼國史院編修
兼侍讀文及翁撰

嘗讀禮記祭法有曰聖王之制祭祀也法施於民則
祀之以死勤事則祀之以勞定國則祀之能禦大災
則祀之能捍大患則祀之且終之曰非此族也不在
祀典神者妙萬物而爲言生爲名臣死爲名神皆精
神心術之所攸聚不可以形迹窺夫大而化之之謂
聖聖而不可知之謂神夫豈區區土木偶人云乎哉

吳興多淫祀率聽命巫覡假神之靈以愚黔首靡然從之風俗由是大壞倘非有功於國有德於民者其可列之祀典乎神姓陸諱圭世爲昭慶軍人生於熙甯以祖澤補右爵兩調爲泗州真州兵馬都監宣和
中大歎發粟賑饑存活百萬計適值方臘弄兵東南大震軍帥調公引兵駐浙江進嚴瀨與賊鏖戰數十合賊敗績而遁暨師還錢塘而卒遂爲潮神紹興間海濤衝激江岸民不遑安神役陰兵治之潮勢遂平嘉定夏飛蝗蔽天神見雲端而驅之是歲蝗不爲害
淳祐間錢塘江復大決有司隨築隨圯神與三女揚

旗空中浮石江面以顯其靈隄賴以成迄今都人奠
枕神之力也浙西帥臣徐棨實董斯役以其事聞于
朝乃賜其額曰協順廟封其爵曰廣靈侯及封妻姚
氏爲花錦夫人三女爲顯通永三濟皆夫人立廟是
邦地曰石豕生英沒靈昭不可掩環千里之地家祝
而鄉祠不敢妥安於草莽奚啻若子孫之於祖禰一
念之烈實臨之視唐巡遠無以異其所以蓋覆斯民
歷千載猶一日木本水源之思鑿乎不可忘炳乎不
可誣也侯之生也治軍旅之事靡憚勞苦屯戍兩郡
隱如長城豈非法施於民以勞定國乎睦寇披猖誓

不與俱生竟歿王事豈非以死勤事乎及其歿也又能於冥冥中驅蝗障潮以庇生靈豈非禦大災捍大患乎 朝廷頒爵命崇廟貌於禮實宜繼自今靈響益著凡民水旱疾疫有禱輒應赫聲濯靈洋洋乎如在其上也余寓苕川之日久且仕於朝爲春官宗伯實掌邦禮治神人和上下職兼翰墨咸涸甲戌夏神之曾孫陸子宣與鄉父老楊彌堅張友諒備述本末謁記於余誼不獲辭遂作祀神樂章刻諸麗牲之石春秋祭祀俾白叟黃童吳歛越吟式歌且舞以妥侯靈以徵神貺永永無斁辭曰神妙萬物無感不通妥

靈吳興毓惠軍中侯之生也蹇蹇匪躬侯之歿也耿
耿孤忠潛驅飛蝗見於虛空力障奔潮陰兵翁從都
民奠枕伊誰之功尸而祝之廟貌聿從龍光赫奔侯
社啟封恩及小君三女攸同載在祀典敢不敬恭牲
牲既肥粢盛亦豐春烝秋嘗崇極明宮伐鼓坎坎懽
呼兒童神來游兮風馬雲龍與國匹休兮祚吾民之
無窮 大明正德戊寅春三月吉旦 賜進士第文
林郎監察御史嗣孫陸崑重立

案文及翁字時舉號本心寶祐元年進士四川綿
州人歷昭慶軍節度掌書記景定三年以太學錄

召試館職除秘書省正字四月爲校書郎四年爲
秘書郎轉著作佐郎咸淳元年爲著作郎出知漳
州德祐元年自試禮部尙書除簽書樞密院事元
兵至西海州平江降及翁出關遁四月削一官國
亡寓居湖州元世祖累徵不起見宋史理宗紀中
興館閣續錄朱吉甫墓志續錄國史館編修官至
嘉熙元年止以後缺及翁於何年官編修則不可
攷矣寶祐四年徐臬以太中大夫集英殿修撰兩
浙轉運副使暫權臨安尹五年十二月除吏部尙
書見潛說友臨安志奏請賜額當在其時宋史河

渠志紹興末以錢唐江石岸毀裂令轉運司臨安
府修築與碑紹興間衝決語合五行志宣和六年
秋兩浙水災民多流移與碑宣和中大歉語合圭
仕履不見於史惟康熙中陸麟度師所撰家譜引
說郛所載何遠青溪續記云宣和中方臘作亂泗
州兵馬都監陸圭同副將楊烈爲前鋒旣戰勝貫
檄圭待已而後進乃泊舟嚴灘夜大雨江水驟漲
戰艦自相衝擊師溺殲焉圭女三曰婉嫻嫻素有
勇略亦能軍同死云云惟今本說郛無此文未知
可信否當是時朝廷顛倒是非童貫冒功掩善圭

一家并命旌恤不及想不誣也涪祐江決載籍無
聞惟寶祐二三年江湖侵齧堤岸見河渠志與徐
臬副轉運尹臨安時代邵合碑中涪祐必是寶祐
之譌原碑既失疑正德中重刻致然也宋制奉直
大夫正六品權尚書正三品及翁既權禮部尚書
應題宣奉大夫不應猶爲奉直恐亦後人妄改嘉
定旱蝗事見宋史蝗之不害稼也烏程則歸功於
崔李德清則歸功於朱泗安吉則歸功於李靖歸
安又歸功於圭請額請封一唱百和殆所謂國將
亡聽于神者乎其文已載談鑰吳興志當非偽造

宋故朝奉知府寺丞趙公壙誌

石存

先父諱與恣字德寬世居處之青田 太祖皇帝元

子燕忠懿王九世孫 曾祖伯仁贈太師 妣周氏

燕國夫人張氏楚國夫人 祖諱師虔贈太師信國

公 妣林氏趙國夫人 父諱希□□□郎轉奉議

郎 母陳氏鮑氏閩人氏並封安人 先父生於涪

熙甲辰三月二十五日嘉定三年舉浙漕五年以

季父希□郊恩奏補□□郎監紹興府支鹽倉 寶

璽覃恩轉承奉郎十六年秩滿監紹興府諸暨縣□

□鎮轉承事郎 皇上登極覃恩轉宣義郎寶慶元

午知婺州金義縣五月丁 繼母聞人氏憂二年十

二月丁 奉議公憂紹定二年三月服訖知慶元府

鄞縣 慈明慶壽恩轉通直郎三年轉奉議郎端平

元年差監 行在榷貨務都茶場二年轉承議郎通

判紹興府借緋會從弟與憲爲兩浙轉運判官以嫌

去差幹辦 行在諸軍審計司閱歲除太府寺簿嘉

熙元年遷寺丞轉朝奉郎是歲冬主管台州崇道觀

二年添差通判廣德軍嘉熙三年八月二十六日口

疾終于 季父之賜第暨朝命權發遣肇慶府則不

獲拜矣嗚呼痛哉享年五十有六 先妣陳氏先十

五年卒葬安吉之武康奉口北塢贈安人 繼妣口

氏世永嘉累封安人 曾祖諱露 祖諱浩 父諱

元德生于淳熙丙午閏七月初十日後十二年淳祐

庚戌十二月十四日卒於臨安府享年四十有五子

一人孟壘 先父遺澤奏補將仕郎先是 繼妣以

淳祐十年十一月十三日壬辰奉 先父柩葬于餘

杭縣石瀨東山既六年壬子十二月二十二日壬申

不肖孤孟壘欲奉 先安人並窆而陰陽家病之孟

壘迫痛罔極口 季父與憇重憫 先父沒無甯兆

以石斗塢畀不肖孤爰卜寶祐甲寅八月二十六日

丙申奉 二樞合祔焉謹書世系及平生出處歲月
刻石而納諸壙孤哀子孟壘泣血謹誌

朝奉郎口知安吉州武康縣主管勸農公事兼軍正
胡居仁填諱

右墓誌連額高二尺六寸四分廣一尺八寸二十
一行行三十一字正書額題宋故朝奉知府寺丞
趙公壙誌篆書案宋史宗室表燕王德昭生冀王
惟吉惟吉生丹陽郡王從節從節生南康郡王世
永世永生東陽郡公令樞令樞生華州觀察使子
建子建生五子曰伯光曰伯祿曰伯仁曰伯祐曰

伯禱惟伯光有後餘四人下皆空格疑史有缺文
未必四人皆無後也徧查宗室表並無師虔與恣
孟學之名此誌可以補其缺與恣之知鄞縣也官
爲宣敎郎於紹定三年十一月二十七日到任四
年轉通直郎五年七月磨勘轉奉議郎六年十二
月二十六日滿見鄞縣志與誌合與憲嘉定十三
年進士官至資政殿大學士吏部尙書贈少師宋
史有傳爲子赤同祖弟子建之元孫故曰從父其
年必小於與恣故曰季父也與憲居湖州城北隅
之叢桂坊誌云終于季父之賜第與恣當卒於湖

州矣漢以前父母喪皆稱哀子士虞禮哀子某是
也不及三十無父稱孤卽孟子幼而無父曰孤之
意鄭康成禮記注三十以下無父稱孤是也唐世
始有父孤母哀之別開元禮虞祭祝文父喪稱孤
子母喪稱哀子祖父喪稱孤孫祖母喪稱哀孫是
也故陳子昂魏匡贊撰其父墓誌皆稱孤子李華
居父喪祭蕭穎士文自稱孤子符載居父喪撰妻
李氏墓誌自稱孤子見陳拾遺集李元賓集及石
刻至北宋猶然故司馬溫公書儀所載與開元禮
同南宋始有孤哀子之稱朱子家禮父母俱亡卽

稱孤哀子世俗相承已久是也嘉定丙子林輅撰其父伯驥壙誌紹定壬辰湯誥爲其母高國夫人墓誌稱孤哀子石刻俱存而北宋以前無聞此始於南宋之證也詩云鼠思泣血傳無聲曰泣血言憂思也非喪禮也父母之喪當擗踊長號不得爲無聲之泣今世俗喪帖用泣血稽顙詩義喪禮皆無一台慶元丁巳徐元德爲其父浩墓碑嘉定乙亥林景爲其父涪源墓碑紹定辛卯柳孟仁爲其父寬夫壙誌均云泣血謹誌在此誌之前蓋皆從朱子家禮然家禮非朱子作前人辨之已詳何可

信也今俗例子孫自撰行狀多用他人填諱誌末
題胡居仁填諱可見自宋已然前乎此者嘉泰壬
戌孺人劉氏墓誌姚師虎書填嘉定壬午宣氏壙
志宋濟與諱嘉定辛未朱偉壙志王棟填諱嘉泰
壬子蔡伯尹墓誌朱誠之書諱意者此風殆起於
甯宗時乎胡居仁永康人淳祐七年進士官至知
台州武康縣志縣令題名失收安吉州卽今湖州
實祐二年因潘丙之亂改爲安吉州見宋史誌只
敘家世歷官生卒葬年月不及行事用司馬溫公
書儀例也宋史職官志七天下諸縣有戍兵則兼

兵馬都監宣教郎以下帶監押職官志入朝奉郎
正七品宣教郎從八品居仁官爲朝奉郎例應帶
兵馬都監誌題兼軍正史所不載

張集思墓誌

石存

缺張理次子集思釋仲家世載祖塋誌缺祐丙午又

四月丁巳生珪祐丙辰四缺戊辰死幼眉目清竦儼

承文澤長者缺識詩趣期負厚余每疑神浮氣躁什

缺竟逝去臘隨母兄過雪外氏王申訃缺心痛特頃

瞬是午服言仲氏亦亡姐缺斂父子修別痛哉十二

月庚午葬祖缺右母趙少而字放坡翁字子遜云

右墓誌上下皆缺數字石高一尺廣九寸六分八
行行十四字正書近時出土於妙喜其曰張理次
子集思繹仲集思其名繹仲其字口祐丙午又四
月丁巳生瑤祐丙辰四缺戊辰死癸丙午爲濬祐
六年所缺蓋濬字是年閏四月己丑朔丁巳乃二
十九日丙辰爲寶祐四年是年四月壬戌朔戊辰
乃初九日繹仲年僅十一歲隨母兄過霽川外氏
而卒於霽下云母趙則趙氏所自出文有父子修
別語誌爲理所自撰石藏歸安李塏家

寶書橋題字

皇宋寶祐十年歲次乙卯十月口日口口口口士俞口

同道友募衆建

拓本高三尺
廣七寸五分

歸安十八都陸相男陸燁田氏捨

拓本高三尺九
寸廣六寸五分

本里射川王恩捨

拓本高二
尺廣五寸

陳涪祖勸農詩

石佚詩見湖錄

湖錄皇宋龍飛景定壬戌四月望後十日瑞安陳

涪祖呂浩鑄

呂盛重修墨妙亭記正德甲戌予自南部出知吳

興政暇輒諦觀志乘讀蘇文忠公墨妙亭記乃知

宋守孫先生莘老嘗作亭於府第之北逍遙堂之

東凡境內自漢以來古今遺刻以實之先哲用心之勤有如是哉歷世滋久堂與亭廢莫知其所予於郡齋後既作天游亭亭之後鑿池微露石角命錫而出之得二碣疏淪之餘朗然可誦一爲陳澹祖勸農詩一爲馬廷鸞送使詩始悟此爲亭之故址蓋所謂府第之北逍遙堂之東者也

朱吉甫墓碑 石佚文載湖州府志

孝豐羅志在孝豐咸淳元年文及翁撰

嘉應廟勅牒碑 石存

勅賜嘉應之廟

尚書省牒 七巷社首□□

禮部狀準咸淳六年正月二十七日

勅節文中書門下省尚送禮部申兩浙運司奏本司
據安吉州申據承節郎監安吉州南潯鎮事陳榮狀
申據 御前提舉所使臣張良嗣并七巷父老華元
實等列狀世居烏程縣震澤鄉之南林故老相傳此
地有崔承事李承事二公居焉其存心也根於仁其
處事也勇於義宣和間方寇擾擬聲搖鄉郡二公率鄉
丁捍禦果獲全安或值凶年飢歲爭出廩粟以賑給
人皆德之暨二公卒莫不銜恩思慕自以爲報之罔

極乃卜地於市中設祠宇而並祭之衣冠服飾效鄉黨護境二神貌像七社人煙歲時節朔以饗以祀雨暘必祈疾疫必禱所求輒應顯異莫能具述嘉定乙亥飛蝗蔽天鄉民羅拜於廟或泣或訴越翌日忽疾風起於庭下蝗之避去者幾半餘悉自斃是歲乃亦有秋咸竭力奉事廟貌一新酬答神貺嘉熙庚子旱荒飢孳枕藉于兩廡頗覺穢褻香火僧厭而禱之是夜神告之曰窮民無歸居我廊宇以避風雨我若譴怒彼將疇依於此尤見其根心之仁愈無窮已也淳祐壬寅待制趙伉夫道經南潯偶值雷雨暴作湍流

奔湧舟不能前趙公驚怖左右謂此地有神曰崔李
二王祈之無不驗遂默禱之俄頃帖然舟獲到岸而
謁於祠下致謝畢見其廟未有額慨然書之今猶存
也寶祐甲寅狄浦鹽寇嘯聚村落多被其害且垂涎
南潯以爲市井繁阜商賈輻湊之所意在剽掠妄求
愾禱所抽十餘籤所擲十餘琰皆不協吉羣盜相顧
愕然輒逞兇暴欲舉二像昇之於水似覺拘攣而掣
其肘乃畏懼潛遁景定辛酉水災比近頑徒有鼓衆
借糧者市戶焚香禱告忽一日羣兇駕舟圍繞未幾
隨散或問之曰倏來而倏去何也賊應之曰昨夜南

潯之南有二人若神身長丈餘立於人間屋上論我等踰月方許汝來此也今且退去一月後復來聞者喜懼相半不十日卽就擒戮此二項益見神之顯異垂庇每惓惓於艱難危急之時殆二天也人之還以答神休豈不能伸一喙耶恭惟 國朝愛民如子凡神之有惠於民者必載於祀典蓋敬神所以愛民口如德清之新市亦隸本州管下其鎮土神嘗有恩封廟額獨南潯未嘗舉行允爲缺典未創鎮以前特鄉村爾無階可陳今創鎮幾二十載前後鎮官歲時祈禱屢驗僧徒晨夕焚修愈勤此廟正係祝 聖祈禱

去處茲遇 聖天子初登大寶增崇祀典恩霑方新
良嗣等謹述家傳人誦之實跡列狀乞備申施行本
鎮保明詣實申州乞施行州司所據承節郎監安吉
州南潯鎮事陳口申到土神靈跡因依本州保明是
實申本司乞施行本司已照例差官詢究覈實委有
靈跡保明是實伏候 勅旨本部照 條勘當具申

朝廷準批送下寺擬封申除已連送太常寺擬封
去後據本寺回申安吉州南潯鎮土神崔李二承事
擬封二字廟額今欲擬嘉應廟爲額合行降 勅申

乞施行本部備申 朝廷伏候 旨揮口口二十五

日奉

聖旨依奉 勅如右牒到奉行前批三月空日空時
付禮部施行仍關合屬去處本部開具前銜後擬下
項伏乞 朝廷給降 勅牒施行伏候 旨揮
牒奉

勅宜賜嘉應廟爲額牒至準

勅故牒

咸淳陸年拾貳月

何若

日牒

同簽書樞密院事兼權參知政事趙一 右丞相
太傅平章軍國重事魏國公 免押

南潯徐□□

沈登瀛宋牒釋證宋制提舉官隨事卽置大小不一文武通差此僅云提舉不著職事疑係富民進納官蓋宋自神宗始有入粟補官之法此有官而未補實者又屬本鎮人故列于父老之前自咸淳六年上溯之景定五開慶一寶祐六淳祐十二南潯立鎮應在淳祐之末故端平初報恩寺碑止稱南林且云行商坐賈之所萃而官未嘗譏征焉蓋未爲鎮則不設官宰輔表云咸淳六年正月丙寅趙順孫自吏部侍郎除端明殿學士同簽書樞密

院事又云十月甲申陳宗禮趙順孫並權參知政
事十一月陳致仕此勅于十二月下行故獨題趙
按度宗紀咸淳五年三月戊辰以江萬里馬廷鸞
爲左右丞相並兼樞密使六年正月丙寅江罷左
相知福州是年左丞相缺故獨題右丞相應爲馬
廷鸞也

孫履元跋碑云或他凶年飢歲爭出廩粟以賑給
人皆德之攷府志建炎四年及紹興四年霪雨害
稼蘇湖二州尤甚二承事之賑恤鄉里當卽其時
碑中兩勅字結體險勁殆卽老學庵筆記所謂蔡

家勅歟

蔣鑿跋右牒稱監安吉州南潯鎮事陳榮其人無
攷趙昇朝野類要親民理治百姓監鎮知寨亦然
監鎮亦得親民史所略也牒尾列銜者三人曰同
簽書樞密院事兼權參知政事趙者趙順孫也曰
右丞相曰太傅平章軍國重事魏國公皆不著姓
蓋馬廷鸞賈似道也徐度邵埽編舊制宰相官僕
射以上勅尾不書姓蓋用唐故事也咸淳遺事景
定五年冬賈似道爲山陵使累辭相印勾祠降內
批曰可依前太師鎮東節度使魏國公醴泉觀使

兼侍讀仍奉朝請似道又奉表辭太師上復不允
似道奉詔再辭乃從之入朝再拜右丞相降內批
曰可依前太師右丞相兼樞密使魏國公咸淳三

年特授太師平章軍國重事

按率輔表似道於景定二年自太保加太

傅咸淳元年四月除太師三年正月仍稱太傅二月復除太師平章軍國重事可證三年以前亦未嘗受太師似道上表力辭太師遂改太傅供職與此牒

署銜合

緡雲縣顯應廟咸淳九年尚書省勅碑似道署銜同

似道位至太傅

紀傳不載而其辭太師并表亦不詳不可謂非史之疎漏也趙順孫字和仲浙東緡雲人宋史無傳

事蹟詳黃文獻集格庵先生阡表及明緡雲鄭禧

言十二
三
刻格庵奏葉宋丞相趙順孫傳論格庵卒於德祐
二年四月未嘗入元而倪燦補藝文志誤寘元人
之列錢辛楣少詹四書纂疏跋已力辨其誣矣余
所見宋三省勅牒宰臣皆署押此刻賈相列銜下
特著免押以非軍國重事故也

右碑在烏程縣南潯南柵嘉應廟山門內西壁正
書高連額四尺八寸八分廣二尺二寸二分文十
四行字徑二分至五分不等額題勅賜嘉應之廟
二行行三字字徑一寸八九分第一行上四字字
徑三寸第十一行牒字徑五寸奉字徑七寸形俱

如押第十二行勅字徑五寸六分餘徑二寸至二寸九分不等勅字牒至二字形俱如押第十三行勅字徑五寸餘徑二寸至一寸六分不等勅故牒等字形俱如押第十四行字徑二寸三寸不等陳榮張良嗣無考宋制監當官文武並差承節郎武階從九品陳榮蓋以武臣差監南潯稅務者承事郎文階京秩正九品理親民資序者正八品李崔不著其名愚謂必鄉之富戶亦如張良嗣之類以進納得官者陳邁傳宣和二年冬方臘亂詔以屬邁邁奏言臘脅從已過萬又有蘇州石生歸安陸

引兒皆聚黨應之與碑聲搖鄉郡合乙亥爲嘉定
八年庚子爲嘉熙四年甲寅爲寶祐二年辛酉爲
景定二年甯宗紀嘉定八年兩浙東西路旱蝗理
宗紀嘉熙四年六月江浙建大旱蝗寶祐二年閏
六月以包恢提點浙西刑獄括捕荻浦鹽寇景定
二年六月己巳詔近畿水災安言爲甚亟講行荒
政皆與碑合趙亢夫見儀鳳橋題名宋史禮志太
常博士王古議自今諸神無爵號者賜廟額已賜
額者加封爵初二字再四字崔李初封故祇請二
字也宋制簿尉鎮寨巡檢各官無理民事者趙昇

所言恐猶今之擅受非制也蔣叡以爲宋史失書
誤矣

長興學廳壁題名記

石佚文載湖州府志

長興邢志咸淳七年黃震撰教諭陳巖刻石

追遠橋題字

未見

武康疏志在縣北高峯之下橫列追遠橋三字傍
一行云紹元辛亥十一月上旬住黃墳塢僧慧燈
幹緣建造凡十九字

案歷漢迄明無紹元年號考其干支辛亥爲宋紹
熙二年元字當是熙字之僞

林永嘉送使詩

石佚詩見湖錄

湖錄永嘉林□□在墨妙亭

馬廷鸞送使詩

石佚詩見湖錄

湖錄在墨妙亭

乞永帖

佚

勞志朱晦翁有乞永帖云欲觀造化之理今藏湖

之道場山

瑤阜帖

石佚

癸辛雜識趙蘭坡都承旨之別業去城既近景物

頗幽後有石洞常萃其家法書刊石爲瑤阜帖

米元章帖 石在

水石潺湲風竹相吞爐煙方裊草木自欣 中岳外
史米元章

石在烏程法華寺似是後人所刻

絳閣二帖 石在

法帖譜系舊傳烏鎮張氏以絳閣二帖鈔本家塾
或遇良工模拓亦有可觀後板歸新市人家每連
紙一幅可打一段予在三山見一本於周氏後數
卷板內時有直裂紋比到書上獲一本於向氏叔
堅之齋偶缺兩卷且以元祐間所拓戲魚帖足之

此刻字畫差肥而極有筆意頗勝諸帖惜其間錯
誤數字爲可恨耳趙宰叔愚云丙戌歲在宗庠有
法帖板質於齋舍族人者偶不記爲何人疑是此
板亦未可知

〔湖錄〕野客叢書載烏戍張仲思家多前人墨蹟有
黃魯直親染題李伯時畫玉花驄詩殆卽有絳閣
二帖之家與又云烏鎮本乃板本非石也長沙折
府所藏二十卷撫刻頗精疑是此本第九卷復面
帖字誤而鶯羣帖止是漸損字畫尙完此稍異於

新絳

柏山寺口濟墓碣 未見

〔武康縣志〕在武康

監稅廳廨碑 石佚

〔勞志〕葛應龍撰在德清年月缺

道場山張戢造像 石有

宋蘇州張戢施財造北方微妙聲佛入湖州道場山
塔塔四恩三有

右拓本高七寸五分廣二寸五分二行行十三字
正書在烏程縣南道場山頂塔內

男
樹藩校字